

ხელშეკრულება №181
სახელმწიფო შესყიდვის შესახებ

2019 წლის ივნისი

ქ. თბილისი

ერთის მხრივ, შპს „ ფსიქიკური ჯანმრთელობის და ნარკომანიის პრევენციის ცენტრი“ წარმოდგენილი გენერალური დირექტორის ლაშა კილაძის სახით (შემდგომში წოდებული „შემსყიდველად“) საიდენტიფიკაციო კოდი: ს/კ404945164 და მეორეს მხრივ შპს „ეი-ენ-ჯი-2007“ წარმოდგენილი მისი დირექტორის ნ. გულვერდამვილის სახით (შემდგომში წოდებული „მიმწოდებლად“) ს/კ 202408135, „სახელმწიფო შესყიდვების შესახებ“ საქართველოს კანონის მე-3 მუხლი 1-ლი პუნქტის „ს¹“ ქვეპუნქტის საფუძველზე გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს საკუთარი შემოსავლების ფარგლებში ქ. თბილისი, ქავთარაძის ჩიხი №2 (№21ა)-ში მდებარე შპს" ფსიქიკური ჯანმრთელობის და ნარკომანიის პრევენციის ცენტრის“ შენობის ფსიქიატრიის განყოფილების (მე - 2 სართული) და ნარკოლოგიის განყოფილების (მე-4 სართული) სარემონტო სამუშაოების შესყიდვის მიზნით ელექტრონული ტენდერისთვის საინჟინრო დოკუმენტაციის მომზადების და საკონსულტაციო მომსახურებების შესყიდვა, კერძოდ

1.2. დეფექტური აქტების მომზადება - საერთო ფასი 500.00 (ხუთასი) ლარი.

1.3 . აზომვითი ნახაზები- 300.00 (სამასი) ლარი.

1.4 . სახარჯთაღრიცხვო დოკუმენტაცია 300.00 (სამასი) ლარი (CPV71324000.)

1.5 ტენდერ(ებ)ის მიმდინარეობის პერიოდში მონაწილე პრეტენდენტებთან დაკავშირებით საკონსულტაციო მომსახურება. (უკვე გამარჯვებული კომპანიის მიერ სამუშაოების ჩატარების კონტროლი არ მოეთხოვება) 150.00 ლარი - საერთო ფასი 150.00 ლარი.(CPV71310000.)

2. ხელშეკრულების ღირებულება

2.1. ხელშეკრულების საერთო ღირებულება შეადგენს 1250.00 (ერთი ათას ორას ორმოცდაათი) ლარს.

2.2 ხელშეკრულების ღირებულება მოიცავს მიმწოდებლის მომსახურების გაწევისთვის საჭირო ყველა სხვა ხარჯს, მათ შორის შემსყიდველის ტერიტორიაზე მისვლის, საჭიროების შემთხვევაში სატელეფონო კავშირის და კანონმდებლობით გათვალისწინებულ ყველა გადასახადს.

3. ანგარიშსწორების წესი

3.1 შემსყიდველი იღებს ვალდებულებას, აუნაზღაუროს მიმწოდებელს ხელშეკრულებით განსაზღვრული შესყიდვის ობიექტის ღირებულება ეტაპობრივად, ფაქტიურად გაწეული მომსახურების შესაბამის თანხაზე, მხარეთა შორის გაფორმებული მიღება-ჩაბარების აქტ(ებ)ის საფუძველზე, გაფორმებიდან 20 (ოცი) სამუშაო დღის განმავლობაში.

3.2 ანგარიშსწორების ვალუტა – ლარი; გადახდის ფორმა – უნაღდო; ანგარიშსწორება მოხდება ერთიანად ან ეტაპობრივად.

3.3. მომსახურების გაწევის თარიღად ითვლება მიღება-ჩაბარების აქტზე ხელმოწერის თარიღი.

4. მომსახურების გაწევის ადგილი, ვადები და მიღება-ჩაბარების წესი

4.1 მომსახურების გაწევის ადგილია მიმწოდებლის მისამართი, ქ. თბილისი,

4.2 მომსახურების გაწევის ვადებია : 1-ლი პუნქტის 1.2,1.3,1.4 პუნქტებით განსაზღვრული მომსახურების ვადაა, ხელშეკრულებიდან გაფორმებიდან 5 (ხუთი) სამუშაო დღე, ხოლო 1.5 პუნქტით განსაზღვრული მომსახურების გაწევის ვადაა არაუგვიანეს 2019 წლის 31 დეკემბრის ჩათვლით.

4.3 მომსახურება ჩაითვლება მიღებულად მას შემდეგ, რაც მხარეებს შორის გაფორმდება მიღება ჩაბარების აქტი ფაქტიურად გაწეული მომსახურების შესახებ. შემსყიდველის მხრიდან მიღება ჩაბარების აქტზე ხელისმომწერ პირს წარმოადგენს ცენტრის გენერალური დირექტორი ლაშა კილაძე.

5. მხარეთა მოვალეობები

5.1. მიმწოდებელი ვალდებულია:

5.1.1. მიმწოდებელი ვალდებულია გაუწიოს შემსყიდველს უნაკლო მომსახურება და სრულად იღებს პასუხისმგებლობას გაწეული მომსახურების ხარისხზე და შესაბამისობაზე ამ სფეროში არსებულ სტანდარტებთან და მოთხოვნებთან.

5.1.2. გაუწიოს შემსყიდველს მომსახურება ხელშეკრულებით განსაზღვრულის შესაბამისად.

5.2. თუკი ხელშეკრულების პირველი მუხლით გათვალისწინებულ მომსახურებას აღმოაჩნდება რაიმე ნაკლი ან იქნება არსებულ სტანდარტებთან შეუსაბამო, “მიმწოდებელი” ვალდებულია, შემსყიდველის მოთხოვნისთანავე გამოასწოროს ეს ნაკლი/ხარისხი და შეცვალოს თავისი ხარჯით ან აუნაზღაუროს შემსყიდველს უხარისხობით მიყენებული ზიანი და/ან ზარალი. ასევე თუკი სამუშაოთა დასრულების შემდეგ ხარჯთაღრიცხვასთან დაკავშირებით საჭირო გახდება გარკვეული საკითხების დაზუსტება/ დაკონკრეტება, მიმწოდებელი ვალდებულია მიაწოდოს შემსყიდველს აღნიშნული ინფორმაცია წერილობითი შეტყობინების სახით დამატებითი ღირებულების მოთხოვნის გარეშე.

5.3. მიმწოდებელი უფლებამოსილია:

5.3.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

5.4. შემსყიდველი ვალდებულია:

5.4.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

5.4.2. უზრუნველყოს შესყიდვის საგნის მიღება.

5.5. შემსყიდველი უფლებამოსილია:

5.5.1. მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება.

6. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა უფლებამოსილი წარმომადგენლების მხრიდან ხელმოწერის დღიდან და მოქმედებს 2020 წლის 31 იანვრის ჩათვლით.

7. ხელშეკრულების ინსპექტირება

7.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8. ხელშეკრულების შეწყვეტა

8.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოაჩნდება ნაკლის გამოსწორების შემდეგ) შემთხვევაში.

8.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

8.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

9. მხარეთა პასუხისმგებლობა

9.1. მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვანი შესრულება გამოიწვევს პასუხისმგებლობას საქართველოს კანონმდებლობის შესაბამისად.

9.2. თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებას, მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ

ვალდებულების ხასიათიდან გამომდინარე შეუძლებელია გამოყენებულ იქნეს დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4. ხელშეკრულებიდან გასვლისას შემსყიდველი უფლებამოსილია ხელშეკრულებით ნაკისრი ვალდებულების შეუსრულებლობის გამო დააკისროს მიმწოდებელს პირგასამტეხლოს გადახდა ხელშეკრულების ღირებულების 10%-ის ოდენობით.

9. 5. რომელიმე მხარის მიერ წინამდებარე ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია გადაიხადოს პირგასამტეხლო შეუსრულებელი ვალდებულების 0,1%-ის ოდენობით ყოველ ვადა გადაცილებულ დღეზე.

10. ფორს-მაჟორი

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებით.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყოს ამ ხელშეკრულებით ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობის თანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

11. ხელშეკრულების პირობების გადასინჯვის წესი

11. 1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

11.2 ამ ხელშეკრულების 11.1. პუნქტით განსაზღვრულ შემთხვევაში შეიძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

11.3 გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

11. 4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 11.1, 11.2. და 11.3. პუნქტებით განსაზღვრული შემთხვევებისა.

12. ხელშეკრულებაში ცვლილებებისა და დამატებების შეტანის წესი

12.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2 თუ რაიმე წინასწარ გათვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

12.3 ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს

მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

14.დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

15.დასკვნითი დებულებები

15.1. მხარეები არსებითად ეთანხმებიან ხელშეკრულების პირობებს და ყოველივე ზემო თქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად ამ დოკუმენტის თავში მითითებულ დღესა და წელს.

15.2. ხელშეკრულება მხარეთა მიერ დამოწმებულია კვალიფიციური ელექტრონული ხელმოწერით და/ან კვალიფიციური ელექტრონული შტამპით.

15.3. ხელშეკრულება ძალაში შედის მიმწოდებლის მხრიდან ხელშეკრულებაზე კვალიფიციური ელექტრონული ხელმოწერით ან/და კვალიფიციური ელექტრონული შტამპით დამოწმების თარიღიდან.

მხარეთა რეკვიზიტები:

შემსყიდველი:
შპს „ფსიქიკური ჯანმრთელობის და ნარკომანიის
პრევენციის ცენტრი“
ს/კ 404945164
თბილისი ქავთარაძის ჩიხი #2
ბანკი: ს.ს. თიბისი ბანკი“;
ბანკის კოდი: TBCBGE22;
ა/აGE75TB7810436020100002

მიმწოდებელი:
შპს „ეი-ენ-ჯი-2007“
ს/კ202408135
ქ. თბილისი, ჯ. კახიძის ქ. N5
ბანკი: სს „საქართველოს ბანკი“
ბანკის კოდი: BAGAGE22
ა/ა:GE41BG000000210851300
საკ/ინფორმაცია 577 288 240

გენერალური დირექტორი:

ლ. კილაძე

დირექტორი:

ნ. გულვერდაშვილი

სახელმწიფო შესყიდვების შესახებ” საქართველოს კანონის მე-8 მუხლის შესაბამისად, შპს „ფსიქიკური ჯანმრთელობის და ნარკომანიის პრევენციის ცენტრის“ გენერალური დირექტორი ლაშა კილაძე, სახელმწიფო შესყიდვების შესახებ ხელშეკრულებაზე (№181; 06,2019წ.) ხელმოწერით ადასტურებს, რომ აღნიშნული გამარტივებული შესყიდვის განხორციელებაში მისი მონაწილეობა არ იწვევს ინტერესთა კონფლიქტს.

ასევე ამავე მუხლის შესაბამისად, ი. ყარაულაშვილი (შპს „ფსიქიკური ჯანმრთელობის და ნარკომანიის პრევენციის ცენტრის“ საფინანსო ეკონომიკური სამსახურის სახელმწიფო შესყიდვების განყოფილების უფროსი) ხელმოწერით ადასტურებენ, რომ არ იმყოფებიან ინტერესთა კონფლიქტში სახელმწიფო შესყიდვების შესახებ ხელშეკრულების (№181; 06,2019წ.) მიმწოდებელთან („სახელმწიფო შესყიდვების შესახებ“ საქართველოს კანონის მე-8 მუხლის, პირველი პუნქტის „გ“ და „ე“ ქვეპუნქტები) შპს „ეი-ენ-ჯი-2007“-თან.

შპს „ფსიქიკური ჯანმრთელობის და ნარკომანიის პრევენციის ცენტრი“

ცენტრის გენერალური დირექტორი: ----- /ლ. კილაძე/

შპს „ფსიქიკური ჯანმრთელობის და ნარკომანიის პრევენციის ცენტრი“

ცენტრის საფინანსო ეკონომიკური სამსახურის სახელმწიფო შესყიდვების განყოფილების უფროსი:

----- /ი. ყარაულაშვილი/

06,2019წ.